



# Canllaw i ganlyniadau

Lefel 1 / Lefel 2 Dyfarniadau Galwedigaethol  
Lefel 1/ Lefel 2 Dyfarniad Galwedigaethol (Dyfarniadau Technegol)

Cyfres Ionawr 2024

## Cynnwys

<b>1.</b>	<b>Diwrnod y Canlyniadau</b>	<b>3</b>
	<b>i) Casglu Canlyniadau Arholiadau</b>	<b>3</b>
	<b>ii) Beth i'w Ddisgwyl</b>	<b>3</b>
	<b>iii) Sut mae'r Canlyniadau yn cael eu dangos ar y Slip Canlyniadau</b>	<b>3</b>
	<b>Lefel 1 / Lefel 2 Dyfarniadau Galwedigaethol</b>	<b>3</b>
	<b>Lefel 1/ Lefel 2 Dyfarniad Galwedigaethol (Dyfarniadau Technegol)</b>	<b>4</b>
	<b>iv) Symbolau a ddefnyddir ar slip canlyniadau</b>	<b>4</b>
<b>2.</b>	<b>Beth i'w wneud os yw ymgeisydd yn pryderu am ganlyniad</b>	<b>4</b>
<b>3.</b>	<b>Pryd bydd tystysgrifau ar gael</b>	<b>5</b>

# 1. Diwrnod y Canlyniadau

## i) Casglu Canlyniadau Arholiadau

Rhaid i ymgeiswyr dderbyn eu canlyniadau arholiadau oddi wrth eu canolfan, fel arfer ar y Diwrnod Canlyniadau swyddogol.

Diwrnod cyhoeddi canlyniadau cyfres Ionawr 2024 yw **dydd Iau 7 Mawrth 2024** o 8:00am ymlaen.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

Ni ddylid datgelu canlyniadau i unrhyw un arall gan gynnwys awdurdodau lleol a'r cyfryngau tan ar ôl 9:30am ar ddiwrnod y canlyniadau perthnasol.

## ii) Beth i'w ddisgwyl

Ar Ddiwrnod y Canlyniadau, bydd ymgeiswyr fel arfer yn derbyn darn o bapur gyda'u canlyniadau arno. Os yw ymgeiswyr wedi sefyll cymwysterau gyda byrddau arholi gwahanol, gallan nhw dderbyn mwy nag un slip canlyniadau, neu gall yr ysgol neu goleg greu un slip sy'n dangos yr holl ganlyniadau gyda'i gilydd.

Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft yn dilyn Adolygiad o Farcio neu Gymedroli.

## iii) Sut mae'r canlyniadau yn cael eu dangos ar slip canlyniadau

### Lefel 1 / Lefel 2 Dyfarniadau Galwedigaethol

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno

Ar gyfer y cymhwyster yn gyffredinol, bydd canlyniadau'n dangos y radd fel Lefel 1 Llwyddo (P1), Lefel 2 Llwyddo (P2), Lefel 2 Teilyngdod (M), Lefel 2 Rhagoriaeth neu Lefel 2 Rhagoriaeth\* (D\*)

Os yw lefel cyflawniad ymgeisydd islaw'r safon isaf, bydd yr ymgeisydd hwnnw'n derbyn canlyniad annosbarthedig (U) ac ni fydd yn derbyn tystysgrif am y cymhwyster.

## Lefel 1/ Lefel 2 Dyfarniad Galwedigaethol (Dyfarniadau Technegol)

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno.

Defnyddir graddfa o 8 pwynt i ddyfarnu Dyfarniadau Technegol:

Lefel 2 Rhagoriaeth\* (\*2), Lefel 2 Rhagoriaeth (D2), Lefel 2 Teilyngdod (M2), Lefel 2 Llwyddo (P2), Lefel 1 Rhagoriaeth\*(\*1), Lefel 1 Rhagoriaeth (D1), Lefel 1 Teilyngdod (M1), Lefel 1 Llwyddo (P1).

Os nad yw ymgeiswyr yn ennill y nifer gofynnol o farciau unfurf i ennill Lefel 1 Llwyddiant yna cofnodir eu cyrhaeddiad fel U (annosbarthedig) ac ni fyddant yn derbyn tystysgrif.

Cofnodir unedau unigol ar raddfa marciau unfurf (GMU), mae manyleb pob pwnc yn cynnwys y cyfatebiaethau o ran graddau.

Cyhoeddwyd y ddogfen "Ffiniau Graddau GMU a Gwybodaeth am Unedau (gyda rheolau terfynol) y Lefel 1/Lefel 2 Dyfarniad Galwedigaethol (Dyfarniad Technegol) cyffredinol" ar y dudalen Ffiniau Graddau ar wefanau [CBAC](#) ac [Eduqas](#) (unwaith y byddwch chi ar y dudalen honno cliciwch ar "Lefel 1/2" i weld y wybodaeth).

Cyhoeddwyd y ddogfen hon i'ch cefnogi chi o ran sut i ddeall y dyfarniadau technegol hyn. Mae'r gofynion o ran ennill y graddau'n wahanol i'r hyn sy'n digwydd gyda'r Dyfarniadau Galwedigaethol eraill.

### iv) Symbolau a ddefnyddir ar slip canlyniadau

Yn ogystal â graddau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos nad yw canlyniad cyffredinol yn cael ei gyhoeddi gan na ddarparwyd gradd.

## 2. Beth i'w wneud os yw ymgeisydd yn pryderu am ganlyniad

Mae'n bwysig bod ymgeiswyr yn trafod unrhyw bryderon â'u hysgol neu goleg, Swyddog Arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall wedi digwydd, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewnlod na

rhieni wneud cais. Gall ymgeiswyr preifat gysylltu'n uniongyrchol â Gwasanaethau Ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- Mynediad at sgriptiau – bydd fersiwn electronig o'r sgript ar gael yn rhad ac am ddim i'w lawrlwytho o'n Porth (gwefan ddiogel).
- Ailwiriad clerigol – ailwiriad yw hwn o'r holl weithdrefnau clerigol sy'n arwain at gyhoeddi canlyniad.
- Adolygu'r marcio ar ôl y canlyniadau – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir
- Adolygiad o'r cymedroli ar ôl y canlyniadau – noder nad yw hwn ar gael ar gyfer ymgeiswyr unigol.

I gael rhagor o fanylion, ewch i'n tudalen [Gwasanaethau ar ôl y Canlyniadau](#) a'r wybodaeth a gyhoeddwyd gan y CGC ar weithdrefnau **Gwasanaethau ar ôl y Canlyniadau** (mae CBAC yn dilyn yr un gweithdrefnau ym mis Ionawr â gweithdrefnau y CGC ar gyfer cyfres Mehefin a Thachwedd).

**Mae'n bwysig nodi y gall marciau aros yr un fath, neu godi neu ostwng, wrth wneud cais am ailwiriad clericaidd neu adolygiad o farcio.** Felly, rhaid i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. Os cyflwynwyd cais gan ymgeisydd preifat yn uniongyrchol i CBAC, yna'r ymgeisydd ei hun fydd yn derbyn y canlyniad. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol**

### 3. Pryd bydd tystysgrifau ar gael

Anfonir tystysgrifau i ganolfannau ar ddiwedd mis Mai.

Dylai ymgeiswyr gadarnhau bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. **Rhaid i Swyddogion Arholiadau roi gwybod i CBAC am wallau, yn ysgrifenedig, yn ddim hwyrach na 31 Mawrth 2024.** Os na fydd gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr gadarnhau â'u hysgol neu goleg beth yw'r trefniadau ar gyfer derbyn eu tystysgrifau.